

紀
錄
匯
編

1098643

△ 121.4
C 4 12

中国文献珍本丛书

明·沈节甫辑

纪 录 汇

徐州师院图书馆编

(二)

中华全国图书馆缩微复制中心



22235076

紀錄彙編卷之六十一

星槎勝覽序

臣聞王者無外中天下而立定四海之民一視同仁
萬近舉遠故視中國猶一人而夷狄之邦則以不治
治之洪惟 聖朝天啓文運 太祖高皇帝龍飛九
五波澤敷於中外德威振於萬邦 太宗文皇帝繼
統文明之治格于四表於是屢命正使太監鄭和王
景弘侯顯等開道九夷八蠻 欽賜璽書禮幣 皇
風清穆覃被無疆天之所覆地之所載莫不貢獻臣
服三五之世不是過矣 皇上嗣登大寶詔止海舶

紀錄彙編卷之六十一

及遠征之役蓋以國家 列聖相繼奕葉重光治化
隆盛而遠夷小醜或梗 皇化則移師薄伐使不怠
武備以鞏固鴻基爲萬世之宏規也 皇上恭默思
道端拱而治守盈成之運垂無窮之業得時措之宜
也臣本吳東鄙儒草茅下士 先臣戍大倉未幾而
蚤逝於是臣繼戎役至永樂宣德間選隨中使至海
外經諸番國前後數四二十餘年歷覽風土人物之
宜采輯圖寫成帙名曰星槎勝覽不揣膚陋輒敢自
敘其首一覽之餘則中國之大華夷之辨山川之險
易物產之珍竒殊方末俗之卑陋可以不勞遠涉而

盡在目中矣夫王者無外王德之體以不治治之王
道之用若然將見治化之效聲教所及暴風不作海
波不揚越裳肅慎之民曰中國有 聖人在上白雉
桔矢之貢不期而至矣

正統元年丙辰春正月吉日臣費信稽首謹序

紀錄彙編卷之六十一

星槎勝覽目錄

卷第一

占城國

靈山

崑崙山

賓童龍國

真臘國

暹羅國

假馬里丁

交欄山

爪哇國

舊港

重迦羅

吉里地悶

卷第二

滿刺加國

麻逸凍

紀錄彙編卷之六十一

三
冊子

彭坑

東西竺

龍牙門

龍牙加貌

九州山

阿魯國

淡洋

卷第三

蘇門答刺國

花面國王

龍涎嶼

翠藍嶼

錫蘭山國

溜山洋國

大葛蘭國

小葛蘭國

柯枝國

古里國

卷第四

榜葛刺國

卜刺哇國

竹步國

木骨都束國

阿丹國

刺撒國

佐法兒國

忽魯謨斯國

天方國

紀錄彙編卷之六十一

四

四十九

星槎勝覽

費信

占城國

永樂七年 太宗皇帝命正使太監鄭和王景弘等統官兵二萬七千餘人駕海船四十八號往諸番國開讀賞賜是歲秋九月自太倉劉家港開船十月至福建長樂太平港停泊十二月於五虎開洋張十二帆順風十晝夜至占城國其國臨海有港曰新州西抵交趾北連中國地海船到彼其酋長頭戴二山金花冠身披錦花手中臂腿四腕俱以金鐲足穿玳瑁履腰束八寶方帶如粧塑金剛狀乘象前後擁番兵五百餘或執鋒刃短鎗或舞皮牌槌鼓吹柳殼筒其部領皆乘馬出郊迎 詔下象膝行匍匐感 恩奏貢方物其國所產巨象犀牛甚多象牙犀角廣貨別國棋楠香在一山所產酋長差人禁民不得採取犯者斷其手烏木降香樵之爲薪天無霜雪氣候常熱如夏草木長青隨花隨結煮海爲鹽禾稻甚薄國人惟食檳榔裹葉葉包蠶殼灰行任坐臥不絕於口不解正朔但看月生爲初月晦爲盡如此十次盈虧爲一歲晝夜善槌鼓十更爲法酋長及民下非至午

紀錄彙編卷之六十一

五

五

紀錄彙編卷之六十一

六

六

不起非至子不睡見月則飲酒歌舞爲樂酋長所居屋宇門牆俱輓灰甃及以堅木雕鏤獸畜之形爲華外周磚垣亦有城郭兵甲之防藥鏃刀標之屬其部領所居亦分等第門高有限民下編茅覆屋魚不腐爛不食釀不生蛆不爲美酒以米拌藥丸乾和入甕中封固如法收藏日久其糟生蛆爲佳醞他日開封用長節竹幹三四尺者插入糟甕中或團坐五人量人入水多寡輪次吸竹引酒入口吸盡再入水若無味則止有味晉封再用酋長歲時採生人膽入酒中與家人同飲又以浴身謂之通身是膽尸頭蠻者本是婦人但無瞳神爲異其婦與家人同寢夜深飛頭而去食人穢物飛回復合其體卽活如舊若知而封固其項或移體別處則死矣人有病者臨糞時遭之妖氣入腹必死此婦人亦罕有民間有而不報官者罪及一家番人戲之觸弄其頭必有生死之恨男女椎髻腦後花布纏頭上穿短布衫腰圍花布手巾其國無紙筆以羊皮槌薄裏黑削細竹爲筆蘸白灰書字若蚯蚓委曲之狀言語獎鳩全憑通事傳譯

靈山

其處與占城山地連接其山峻嶺而方有泉下繞如

帶山頂有一石塊似佛頭故名靈山民居星散結網爲業田肥耕種一歲二收氣候之節男女之禮與占城國大同小異地產黑文相對藤杖每條易斗錫一塊若麤大而紋疎者一錫易杖三條次有檳榔蓂葉餘無異物往來販舶必於此樵汲舶人齋沐三日崇佛誦經燃放水燈綵船以禳人船之災

崑崙山

其山節然瀛海之中與占城及東西竺鼎峙相望山高而方山盤廣遠海人名曰崑崙洋凡往西洋販舶必待順風七晝夜可過俗云上怕七洲下怕崑崙針

紀錄彙編卷之六十一

七

三百七十一

迷舵失人船莫存此山產無異物人無居竈而食山果魚蝦穴居樹巢而已

賓童龍國

其國與占城山地連接有雙澗水澄清佛書所云舍衛乞食卽此地也目連所居遺址尚存人物風土草木氣候與占城大同小異惟喪事能持孝服設佛而度死者擇僻地塋之婚姻偶合首首出入或象或馬一如占城王從者前後百餘人執質讚唱曰亞曰僕地產棋楠香象牙貨用金銀花布之屬民下編茅覆屋以居

眞臘國

自占城順風三晝夜可至其國門之南爲都會之所
有城池周七十餘里石河廣二十餘丈殿宇三十餘所凡歲時一會則羅列玉像孔雀白象犀牛於前名曰百塔洲金盤金碗盛食諺云富貴眞臘也氣候常熱田禾豐足煮海爲鹽風俗富饒男女椎髻穿短衫圍指布法有剗刑刺配犯盜則斷手足番人殺唐人則償命唐人殺番人則罰金無金賣身贖罪地產黃蠟犀象孔雀沉香蘇木大風子油翠毛貨用金銀燒珠錦段絲布之屬

紀錄彙編卷之六十一

八

三百七十一

暹羅國

自占城順風十晝夜可至其國山形如白石峭礪周千里外山崎嶇內嶺深遂田平而沃稼穡豐熟氣候常熱風俗勁悍專尚豪強侵掠鄰境削檳榔木爲標鎗水牛皮爲牌藥鍬等器慣習水戰男女椎髻白布纏頭穿長衫腰束青花手巾其上下謀議大小事悉決於婦其男女聽苟合無序遇中國男子甚愛之必置酒飲待歡歌留宿婦人多爲尼姑道士能誦經持齋服色略似中國亦造菴觀能重喪禮人死氣絕必用水銀灌養其屍而後擇高阜之地設佛事葬之釀

林爲酒煮海爲鹽地產羅斛香大風子油蘇木犀角
象牙翠毛黃蠟以海貳代錢每一萬箇准中統鈔二
十貫貨用青白花磁器印花布色絹色段金銀銅鐵
水銀燒珠雨傘之屬其酋感慕 天朝遠惠嘗遣使
捧金葉表文貢獻方物

假馬里丁

其方與交欄山相望海洋中山列翠屏引溪水溉田
禾穀少收氣候常熱俗置薄男子髡髮穿竹布短衫
圍梢布種芭蕉採其實以代糧煮海爲鹽釀蔗爲酒
地產玳瑁羚羊貨用瓜哇布燒珠印花布米穀之屬

紀錄彙編卷之六十一

九

三十五

交欄山

自占城靈山起程順風十晝夜可至其山高而叢林
藤竹舵桿桅檣蓬箬無所不備胡元時命將高興史
弼領兵萬衆駕巨舶征閩婆因遭風至交欄山下其
船多損乃登此山造船百號復征閩婆擒其酋長而
歸至今居民有中國人雜處蓋此時病卒百餘留養
不歸遂傳育於此氣候常暑少米穀以射獵爲業男
女椎髻穿短衫繫巫崙布地產豹熊鹿皮玳瑁貨用
米穀五色珠青布銅器青碗之屬

瓜哇國

紀錄彙編卷之六十一

十

四十五

古名閩婆自占城起程順風三十晝夜可至其國地
廣人稠甲兵爲東洋諸番之雄舊傳鬼子魔天與一
罔象青面紅身赤髮相合凡生子百餘常食啖人血
肉佛書所云鬼國卽此地也其中人被啖幾盡忽一
日雷震石裂中坐一人衆稱異之遂爲國王卽領餘
衆驅逐罔象而除其害復生齒安業至今其國之遺
文後書一千三百七十六年考之肇在漢時至我
大明宣德七年矣其港口入去馬頭曰新村居民環
接編茭樟葉覆屋輔店連行爲市買賣其國富饒珍
珠金銀鴉石貓睛青紅等石琤瑛瑪瑙荳蔻華蔕子
花木香青藍無所不有蓋通商旅最衆也其鸚鵡鸚
哥孔雀能馴言語歌曲其倒掛鳥身形如雀而羽五
色日間焚好香則收而藏之羽翼間夜則張尾翼而
倒掛以放香民好兇強生子一歲便以匕首佩之名
曰不刺頭以金銀象牙雕琢爲靶凡男子老幼貧富
皆佩於腰間若有爭詈卽拔刃相刺蓋殺人逃三日
而出卽無事矣男子裸頭裸身嫵圍單布手巾能飲
酗酒重財輕命婦人亦然惟項金珠聯紉帶之兩耳
塞茭樟葉圈於竅中其喪事凡主翁病死婢妾輩相
對而誓曰死則同往臨殯之日妻妾奴婢皆滿頭簪

草花披五色手巾隨屍至海邊或野地昇屍於沙地俾衆犬食盡爲好如食不盡則悲歌號泣堆柴於旁衆婦坐其上良久乃縱火燒柴而死蓋殉葬之禮也蘇魯馬益一地名也爲市聚貨商舶米糧港口有聚棚極數百相傳唐時其家五百餘口男婦兇惡忽一日有僧至其家與言吉凶之事其僧取水巵之俱化爲猿猴止留一老嫗不化今存舊宅土人及商者常設飯食檳榔花果肉類以祭之不然則禍甚驗也杜板一村之地名也海灘有水一泓甘淡可飲稱爲聖水元時使將史弼高興征其國經月不下舟中乏水

紀錄彙編卷之六十一

七

三百六十六

糧盡二將拜天祝曰奉天伐蠻若天與我水卽生不與則死遂挿鎗酣苦海中其泉隨鎗湧起水味甘甜衆軍汲而飲之乃令曰天賜助我可力戰也兵威由是大振敵聲奮擊番兵百萬餘衆悉敗走乘勝長驅生擒番人烹而食之至今稱中國能食人也遂獲酋長以歸旣服罪尋放還仍封爲瓜哇國王我朝太宗文皇帝遣正使太監鄭和等捧詔勅賞賜國王王妃及部領村王咸受天賜其國王遣使絡繹進貢方物

舊港

古名三佛齊國自瓜哇順風八晝夜可至其處自港口入去田土甚肥倍於他壤古云一年種穀三年生金言其米穀盛而多貿金也民故富饒俗置好婦水戰甚慣其處水多地少部領者皆在岸造屋居之周匝皆僕從住宿其餘民庶皆於木筏上蓋屋而居以木椿栓閘或水長則筏浮起不能汲也或欲別居起椿去之連屋移徙不勞財力今爲瓜哇所轄風俗與瓜哇大同小異地產黃熟香速香沉香黃蠟雀頂之類貨用燒煉五色珠青白磁器銅鼎五色布絹色段大小磁甕銅錢之屬永樂十三年鄭和等統舟

紀錄彙編卷之六十一

七

三百六十六

重迦羅

其地與瓜哇界相接高山奇秀內有一石洞前後三門可容一二萬人田穀與瓜哇略同氣候常暑風俗頗淳男女撮髻身披單布長衫圍稍布手巾無酋長以年高有德者主之煮海爲鹽釀秫爲酒地產羚羊鸚鵡木棉椰子棉紗貨用花銀花絹其處約去數日水程曰孫陀羅琵琶拖曰丹重曰圓嶠曰彭里不事

